
ВИЛОЯТ ҲОКИМИ ФАРҶОНА ШАҲРИДА АҲОЛИ ЯШАШ ШАРОИТЛАРИ ВА МУАММОЛАРИНИ ЎРГАНДИ

Вилоят ҳокими Хайрулло Бозоров Фарғона шаҳридаги “Ёшлар”, “Беруний”, “Мурувват” ва “Маърифат” маҳаллаларида бўлиб, аҳолининг яшаш шaroитлари билан танишди, одамларнинг уй-жой шарoитини яхшилаш ҳамда ушбу ҳудудлардаги шаҳарсозлик муаммоларига ечим топиш билан боғлиқ масалалар юзасидан ўрганиш олиб борди.

Шаҳар архитектура ва қурилиш бўлимининг, мутасаддиларнинг эътиборсизлиги, масъулиятсизлиги сабабли жойларда янги қурилган баланд бинолар биқинида эски “бараклар” ҳали ҳамон мавжудлиги, уйлар бир бирига нормаларга зид равишда ўта яқин қурилгани юзасидан алоҳида муҳокама ўтказилди. Вилоят раҳбари эски уйлардаги ҳар бир хонадон вакиллари билан бирма-бир суҳбатлашиб, уларнинг мурожаатларини тинглади ҳамда яшашга яроқсиз бўлган уй-жойлар ўрнига янги қуриладиган бинолардан ҳозирги уй жойлар майдонидан кам бўлмаган 2-3 хонали хонадонлар берилишини маълум қилди.

Каштанзор кўчасида тадбиркор томонидан 16 қаватли уй-жой қурилиши режалаштириладиган майдонни бориб кўрган вилоят ҳокими, бу жойда бино қурилиши аҳоли учун ноқулайликлар туғдиришини айтиб, бу ерни ободонлаштириш, кўкаламзорлаштириш, дарахт кўчатлари экиб, сайлгоҳга айланттириш кераклигини таъкидлади. Тадбиркорга эса бошқа ер майдони тавсия қилинди.

Фарғона кўчасидаги ётоқхонада яшовчи фуқароларнинг ҳам яшаш шарoитлари ўрганилди. Бу ерда истиқомат қилувчилар уйларни иситишда муаммолар юзага келадиганлигини, хонадонларнинг таъмирталаб эканлигини билдиришди. Вилоят ҳокими хонадонларни кўздан кечирди ҳамда уйларнинг том қисми қисқа муддатда таъмирланиши, кунлар исий бошлагач эса хонадонлар ҳам босқичма-босқич таъмирдан чиқарилиши юзасидан кўрсатма берди.

Бизни ижтимоий тармоқларда кузатинг [Facebook](#),
2021-02-10 17:07:34